



## Prvo što je Allah stvorio bilo je pero. Onda mu je rekao: 'Piši!' 'Šta ču pisati, Gospodaru?' - upita ono. On reče: 'Piši sve ono što će se dešavati do Sudnjeg dana.'

Ubade b. Samit, radijallahu 'anhu, rekao je svome sinu: "Sinčiću moj, nećeš osjetiti slast istinskog vjerovanja sve dotle dok ne shvatiš da ono što te je desilo nije te moglo mimoći, a ono što te je mimošlo nije te moglo zadesiti. Čuo sam Allahovog Poslanika, s.a.v. s., kada veli: 'Prvo što je Allah stvorio bilo je pero. Onda mu je rekao: 'Piši!' 'Šta ču pisati, Gospodaru?' - upita ono. On reče: 'Piši sve ono što će se dešavati do Sudnjeg dana.' Sinčiću moj, čuo sam Allahovog Poslanika, s.a.v.s., kad je rekao: 'Ko umre vjerujući drukčije, ne pripada meni.'" U verziji kod imama Ahmeda stoji: "Prvo što je Allah stvorio bilo je pero, pa mu je kazao da piše. Tada je zapisano sve što će se desiti do Sudnjeg dana." U verziji Ibn Vehba stoji da je Poslanik, sallallahu alejhi ve sellem, kazao: "Onoga ko ne vjeruje u odredbu dobra i zla, Allah će spaliti Vatrom."

[Vjerodostojan] [Hadis bilježi Ibn Vehb u djelu "El-Kader" - Hadis bilježi Tirmizi - Hadis bilježi Ebu Davud - Hadis bilježi imam Ahmed]

Ubade b. Samit, radijallahu 'anhu, savjetovao je svoga sina Velida da vjeruje u Allahovu odredbu dobra i zla, te mu je pojasnio rezultate, i posljedice koje iz toga vjerovanja proizilaze, i plodove koje će pobrati i na dunjaluku i na Ahiretu zbog tog vjerovanja. Zatim mu je pojasnio poljedice koje slijede ukoliko se ta odredba bude negirala, i zlo koje ga u tom slučaju čeka i na dunjaluku i na Ahiretu. Svoj savjet dokazao je sunnetom Poslanika, sallallahu alejhi ve sellem, koji potvrđuje da je Allah odredio subbine i da je naredio Peru da sve to zapise, prije nego što su ova stvorenja postojala. U svemiru se ništa ne događa i neće se ništa do Sudnjeg dana desiti i zbiti, a da već nije određeno i zapisano.

<https://sunnah.global/hadeeth/bs/show/5979>